



Naučite šta nam

PSI PORUČUJU

GOVOROM TIJELA.



**A dog is
for life.**






Sarajevo, mart 2023. godine

© Fondacija Dogs Trust BiH | www.dogstrust.ba

REP PSA kaže nam - šta?

VAŽNO!

Uvijek je potrebno pratiti signale koje pas daje govorom tijela u cjelini, kao i uzeti u obzir situaciju u kojoj se pas nalazi.



KADA REP DRŽI PREMA VANI RAVNO

znači da pas posmatra i upija novu informaciju (npr. psa kojeg ranije nije upoznao), radoznao je i još nije odlučio kako će se ponašati.

Iz ovog položaja pas može promijeniti ponašanje na dva načina: može postati ushićen i sretan, ili zabrinut i nervozan.

X


MIT

Ako pas maše repom, to je siguran znak da je prijateljski raspoložen i sretan

✓


ISTINA

Pas pokretima repa komunicira različita raspoloženja, od sreće, preko uplašenosti, do spremnosti da se brani.




KADA REP DRŽI IZMEĐU NOGU

pokazuje da je pas uplašen, ili da mu je neugodno.




KADA REP DRŽI VISOKO I NJIME MAŠE BRZO

pokazuje da je pas ushićen i sretan, ali i da se osjeća dominantno.



ŠIROKO MAHANJE REPOM

Kada pas široko i brzo maše repom, prijateljski je raspoložen i nije nikome prijetnja. Možda se raduje jer mu je neko donio ukusnu poslasticu, ili mu je vlasnik stavio ogrlicu, što za njega znači da je vrijeme za omiljenu šetnju!



SPORO MAHANJE REPOM

Kada pas polako i neodlučno maše repom, a rep mu je pomalo spušten, on nam govori da nije raspoložen za druženje, da je pomalo nesiguran i da nije baš sretan.

Pitanje za iskusne



Znate li šta znači kada se PAS OSJEĆA DOMINANTNO?

UŠI PSA nam kažu - šta?



POLOŽAJ UŠIJU PSA KOJI JE ZADOVOLJAN

Kada su uši psa prirodno načuljene, a istovremeno mu je izraz lica opušten, pas je opušten i zadovoljan.

POLOŽAJ UŠIJU PSA KOJI JE ZNATIŽELJAN I FOKUSIRAN

Uši načuljene prema naprijed znače da je pas znatiželjan i da obraća pažnju na nešto ili nekoga. Nakon ovakve reakcije, pas može potrčati prema objektu kojeg je ranije primijetio.



UŠI PSA KOJI JE AGRESIVAN

Kada su uši psa zalizane unazad uz glavu, znak je da je pas zastrašen i u pripravnosti da se brani.



OČI PSA nam kažu - šta?

TREPTANJE OČIMA

Ako vaš pas trepće kao da namiguje, znači da je sretan. Uz ovakve oči, često ide izraz lica koji izgleda kao da se pas osmjehuje.



OČI ŠIROM OTVORENE

Ako su psu oči širom otvorene, spreman je da se igra!



RAŠIREN I PODIGNUT POGLED

Ako pas ima raširen i podignut pogled, i vide mu se beonjače, znači da je nesiguran i da se osjeća ugroženo. Ovo je znak da pas može biti spreman da se brani.



PAŽNJA!

SKRETANJE POGLEDA

Ako pas skreće pogled, to znači da mu je neugodno ali da želi da izbjegne konfrontaciju.



SUŽAVANJE POGLEDA

Sužavanje očiju, a zavisno od oblika očiju pojedinačnog psa, često i vidljive beonjače, znače – **OPREZ**, pas je spreman da napadne. Vilica psa koji se tako osjeća je stisnuta, tijelo mu može drhtati i može pokazivati zube.



MIT

Kada se pas oblizuje, uvijek je siguran znak da je pas ili gladan ili je tek jeo.

ISTINA

Ako pas nije upravo "smazao" poslasticu ili završio sa obrokom, oblizivanje može značiti da je pas nervozan i da mu je situacija u kojoj se nalazi neugodna.

ZAPAMTITE:

Kada god pas trpi za njega neugodnu situaciju, potencijalno može napasti!



Zašto ne treba trčati u blizini psa?

Auto koje se kreće, osoba na biciklu, ili neko na jutarnjem trčanju, mogu za psa značiti više stvari: zabavu, iritaciju ili nešto sasvim drugo.

Ali jedno je sigurno: sve što se kreće pobuđuje interesovanje psa i njegov urođeni nagon da hvata plijen.



Zapamtite:

NIKADA ne treba trčati kada vidite psa u blizini, posebno ako vas je pas primijetio i gleda u vas!



Kako nam psi

POKAZUJU DA NAS VOLE?



Ako pas nekoga voli, govor njegovog tijela pri susretu s tom osobom pokazivaće sreću i ushićenost.

Pas može na svog vlasnika skočiti i dati mu „poljubac“ (lizanjem lica). Psi su često jako sretni kada vide svoje vlasnike, što pokazuju i tako što se namještaju da ih vlasnik češka ili mazi.




Vole li psi zagrljaje?

Psi većinom ne vole zagrljaje, ali to često zavisi od svakog pojedinačnog psa. Ako pas voli da se privije uz vlasnika i uživa u tome, i moli da ga vlasnik podigne, to može biti znak da ovaj pas uživa u zagrljajima.



**IPAK
DJECO**

Prirodu psa treba poštovati pa vi nikada ne trebate grliti psa, pa čak ni svog.



GOVOR TIJELA PSA - kaže nam šta?


Šta znači kada se pas sav strese?

Ovo je obično znak da je psu zbog nečega laknulo, tj da je ono što mu je bilo neprijatno prošlo. Npr. ako je pas čekao svog vlasnika ispred prodavnice, kada se vlasnik pojavi i uzme povodac, pas će se osjećati bolje, kao da je sa leđa skinuo teret, što će pokazati tako što će se stresti!




Kako izgleda pas koji je nervozan zbog nečega?

Pas koji je nervozan i uplašen često spušta tijelo prema zemlji, rep mu je podvučen između zadnjih nogu, uši spuštene ili zalizane natrag, tik uz glavu.



Kako izgleda pas koji je sretan što nas vidi?

Pas koji se raduje što nas vidi, pozdraviće nas tako što će spustiti prednji dio tijela prema zemlji, a repom će široko i sretno mahati.



ISTINA



MIT

Ako pas zijeve, to je uvijek znak da je pospan.

Pas zijevanjem pokazuje da mu nešto smeta ili da mu je određena aktivnost dosadila. Zijevanje je način da sam sebe smiri jer počinje da gubi strpljenje. Tako npr. ako svog psa podučavaš određenoj komandi, a on nakon nekog vremena počne da zijeve, to je jasan znak da mu je potrebna pauza.

POLOŽAJ TIJELA PSA koji je sretan

Tijelo je bez
znakova tenzije

Mišići lica
su opušteni

Rep visi i
lagano se njiše

Uši su u neutralnom
položaju ili blago
povučene prema
naprijed

Oči su zaobljene
mekano i ne
vidi se beonjača

Usta su opuštena,
a mogu biti
zatvorena ili
blago otvorena



POLOŽAJ TIJELA PSA

koji je razdražljiv

Tijelo je napeto

Uši povučene prema nazad bliže glavi

Obrva može biti nakostriješena, a koža između ušiju naborana

Pas se može oblizivati

Mišići lica izgledaju tvrdi

Rep je spušten i nepomičan



POLOŽAJ TIJELA

kada pas želi da ga ostavimo na miru

Oči su mu sužene ili jasno trepće


Zijeva (sjećate se, jer mu je neugodno)

Tijelom se povija unazad



GOVOR TIJELA PSA

koji se osjeća
ugrožen i pod
prijetnjom



Rep je savijen
između zadnjih nogu

Nakostriješene
obrve

Uplašeno gleda
prema onome
što smatra
prijetnjom

Usta su
grčevito
zatvorena

Cijelim tijelom
se nagine
prema natrag



ZAPAMTITE:

Nikada ne zurate u psa,
jer on to može doživjeti
kao prijetnju.




PODIZANJE JEDNE ŠAPE nije pozdrav za psa

Zapamtite:

Ako pas bez komande “daj šapu” ipak jednu šapu podigne sam od sebe, on nam ovim govori da ga je nešto zastrašilo.

Spušten rep
koji dosta
brzo maše

Vidi se da je težina
na zadnjim šapama,
kao da je spreman
odmaknuti se od
onoga šta ga straši



Glava je spuštена
prema dole, ali oči
su uperene u pravcu
onoga što ga straši

Cijelo tijelo je
spušteno
prema zemlji

IZRAZ zastrašenog psa

Oči su
stisnute i
zatvorene

Uglovi usta su
povućeni
unatrag i
prema gore

ZAPAMTITE!

**OVO NIJE
OSMIJEH!**



Uši su
povućene
unatrag

Zube pokazuje
vrlo jasno,
kao da se smije

Zapamtite:

Zastrašen pas koji nije siguran da li mu nešto predstavlja opasnost, može prići onome što ga zabrinjava kako bi istražio i provjerio ima li se čega plašiti. Moguće je da se u ovom pokušaju pas prestraši i naglo se povuče na sigurno. Iako ovakvo ponašanje psa ne govori da je pas (još uvijek) spreman da se brani, ako se duže vrijeme nalazi u toj situaciji, može preći u odbrambeni stav.

PAS KOJI SE PONAŠA PODREĐENO jer želi izbjeći sukob




Ponekada pas od milja legne na leđa kako bi ga njegova omiljena osoba češkala ili mazila.

Gleda u ono
zbog čega
je zabrinut

Uši povlači
unazad

Tijelo je
stisnuto,
u grču

Jednu ili obje
noge diže u zrak,
ali su noge ukrućene



Rep je
najčešće
podvijen

Važno je znati...

Da pas koji legne na leđa ili bok, izlažući tako stomak (koji je najmekši i time najranjiviji dio tijela), ovo radi jer se nečega ili nekoga malo uplašio, pa želi ovim položajem pokazati da se “predaje” i da ne želi sukob. Međutim, iz ovog ranjivog položaja, pas vrlo brzo može preći u odbranu ako se ono čega se uplašio počne približavati.

POLOŽAJ TIJELA PSA

koji upozorava da se osjeća ugroženim


Rep je između
zadnjih nogu

Uši
povučene
unazad

Reži i pokazuje
zube kao
upozorenje

Nagnut je prema
nazad, dalje od
izvora opasnosti

Drži glavu
pognutu
prema dole



Važno je znati...

Kada pas osjeća da je pod velikom prijetnjom, tijelo će povući unatrag u želji da bude što dalje od onoga što ga plaši, pa će čak i zalajati ili zarežati kao znak upozorenja. Tijelo psa u ovoj situaciji može izgledati kao da je zaledeno i kretanje mu može biti kao u usporenom filmu. Može se desiti da, u cilju da upozori izvor straha, napravi ugriz u zraku, ali odmah nakon toga je moguće da ugrize osobu ili životinju zbog koje se od početka osjeća ugroženo.





www.dogstrust.ba

Fondacija Dogs Trust Bosna i Hercegovina | Gorica 61, 71000 Sarajevo, Bosna i Hercegovina
T+387 33 83 76 49 | T +387 33 83 25 93 | T +387 33 83 26 34 | office@dogstrust.ba | www.dogstrust.ba